



Klub poslanika Naša stranka-Nezavisni blok

Broj:
Sarajevo, 27.05.2020. godine



PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

n/r g. Nebojša Radmanović, predsjedavajući

Na osnovu članova 8. i 166., te u skladu sa poglavljem XIII. i sa članom 96. Poslovnika Predstavničkog doma Parlamentarne skupštine Bosne i Hercegovine, podnosim poslaničku

INICIJATIVU

Zadužuje se Kolegij sekretarijata Parlamentarne skupštine Bosne i Hercegovine da, u saradnji sa drugim institucijama i službama ukoliko je to potrebno, u roku od 30 dana od dana usvajanja ove inicijative osigura nesmetan pristup i boravak u zgradi Parlamentarne skupštine BiH, radnim danima u periodu između 8 i 17h, svim novinarima akreditovanim za praćenje rada Parlamentarne skupštine BiH, Vijeća ministara BiH ili drugih institucija smještenih u navedenoj zgradi.

O B R A Z L O Ž E N J E

Novinarima koji su akreditovani za praćenje rada Parlamentarne skupštine BiH, Vijeća ministara BiH, te drugih tijela koja su smještena/sjednice održavaju u zgradi PS BiH trenutno nije dozvoljen boravak u zgradi PS BiH tokom radnog vremena (u periodu između 8-17h) osim isključivo u onim intervalima u kojim se održava sjednica nekih od tih tijela.

To je protivno praksi u gotovo svim demokratskim zemljama u svijetu prema kojoj je akreditovanim novinarima ne samo dozvoljen konstantan boravak u zgradi zakonodavnog ili izvršnog organa vlasti (uključujući u Bijeloj kući u Washingtonu), već su im osigurani uslovi za njihov nesmetan rad (adekvatan prostor za veći broj novinara, inventar, pristup internetu...).

Kako su brojni poslanici i delegati ukazivali na ovu lošu i nedemokratsku praksu, te kako do sada nisu poduzete radnje da se predstavnicima medija osigura stalan pristup i boravak u zgradi Parlamentarne skupštine Bosne i Hercegovine, ova Inicijativa je opravdana, te će povećati transparentnost rada svih navedenih tijela i institucija.

S poštovanjem,

Poslanik u Predstavničkom domu
Parlamentarne skupštine Bosne i Hercegovine